



## CRYNODEB O ADRODDIAD BLYNYDDOL Y LLYWODRAETHWYR 2023-2024



### GAIR GAN Y CORFF LLYWODRAETHOL

Fel Cadeiryddion newydd y Llywodraethwyr, mae'n bleser gennym gyflwyno Adroddiad Blynyddol y Corff Llywodraethol eleni. Mae'r ddogfen hon yn rhoi trosolwg o weithgareddau allweddol, cyflawniadau a datblygiadau ein hysgol dros y flwyddyn ddiwethaf. Mae'r adroddiad yn adlewyrchu ymroddiad ac ymrwymiad tîm arweinyddiaeth yr ysgol, y staff, a'r Llywodraethwyr i feithrin amgylchedd dysgu bywiog sy'n meithrin lles, twf academiaidd, a datblygiad personol pob disgybl. Mae'r Corff Llywodraethol yn chwarae rhan hollbwysig wrth sicrhau atebolrwydd a gweithredu fel cyfaill beirniadol i'r Pennaeth a'r tîm arwain. Trwy ymdrechion ar y cyd, anelwn at godi safonau'n barhaus a chefnogi datblygiad addysgol ac ysbrydol ein plant, yn unol â'n gwerthoedd. Rwy'n ddiolchgar i'r holl Lywodraethwyr sy'n darparu mewnwelediad gwerthfawr ac sy'n rhoi o'u hamser i fod yn rhan o'r Corff Llywodraethol. Mae'r flwyddyn ddiwethaf wedi gweld cynnydd sylweddol gyda'n hysgol yn parhau i weithredu'r Cwricwlwm newydd i Gymru. Mae ein staff wedi gweithio'n ddiflino i wreiddio ei hegyddorion craidd, gan greu cwricwlwm sy'n ysbrydoli chwilfrydedd, annibyniaeth, a chariad at ddysgu ym mhob disgybl. Mae hefyd wedi bod yn wych gweld yr ysgol yn cydweithio'n agos ag ysgolion eraill o fewn ein clwstwr i rannu arferion gorau, datblygu adnoddau, a sicrhau agwedd gydlynol at y Cwricwlwm ar draws ein cymuned addysg leol. Mae'r cydweithio hwn wedi helpu i freinio ein strategaethau a chyfoethogi'r profiad addysgol a gynigiwn, er mwyn ymateb i weledigaeth flaengar y Cwricwlwm i Gymru. Diolch am y gefnogaeth barhaus gan rieni, gofalwyr a'r gymuned ehangach. Gwn fod y gefnogaeth hon yn cael ei gwerthfawrogi'n fawr gan yr holl staff

Roedd yn arfer bod yn ofynnol i gyrrff llywodraethu ysgolion gynnal cyfarfod blynyddol gyda rhieni. Cafodd y gofyniad hwnnw ei ddileu gan Ddeddf Safonau a Threfnidaeth Ysgolion (Cymru) 2013. Yn lle hynny, cyflwynwyd trefniadau newydd fel y bo modd i rieni ofyn am hyd at 3 cyfarfod gyda chorff llywodraethu mewn unrhyw flwyddyn ysgol.

**Os hoffech i'r Corff Llywodraethol gynnal cyfarfod mae'n ofynnol i rieni gyflwyno deiseb/ cais am gyfarfod gyda llofnod o leiaf 10% o rieni arno.**

#### Etholiadau rhiant lywodraethwyr

Cynhelir yr etholiadau nesaf ar gyfer cynrychiolwyr y rhieni ar y corff llywodraethol ar 14.10.25

#### AELODAU'R BWRDD LLYWODRAETHOL 23-24

##### CADEIRYDD:

**CLERC:** Adrienne Jones

Gellir cysylltu â'r clerc neu'r Llywodraethwyr trwy swyddfa'r ysgol, 01978 351168

#### Enwau a statws Aelodau'r Corff

| Enw Llywodraethwr         | Cynrychioli                              | Dyddiad Gorffen     |
|---------------------------|--|---------------------|
| Rhun Murphy               | Rhiant Lywodraethwr                      | 25.10.23 - 24.10.27 |
| Aimee Davies              | Cymunedol                                | 25.10.23 - 24.10.27 |
| Cynghorydd Graham Rogers  | Yr awdurdod Lleol                        | 1.7.20 – 30.6.24    |
| Cynghorydd Linda Subacchi | Cymunedol ychwanegol                     | 04.02.22 – 03.02.26 |
| Nerys Davies              | Pennaeth                                 | 17.07.22 – 17.07.26 |
| Rebecca ap Gwyn           | Rhiant Lywodraethwr                      | 8.2.23 – 8.2.27     |
| Heulwen Harris            | Yr Awdurdod Lleol                        | 10.5.23 – 10.5.27   |
| Catrin Penge              | Llywodraethwr athro/<br>Teacher governor | 25.1.21-24.1.25     |
| Shaun Richardson          | Llywodraethwr staff                      | 25.1.21 – 24.1.25   |
| Angharad Jones            | Rhiant lywodraethwr                      | 1.03.22 – 28.02.26  |
| Claire Tomlinson          | Rhiant Lywodraethwr                      | 15.10.21 – 14.10.25 |
| Nia Redman                | Yr Awdurdod Lleol                        | 1.12.21 – 30.11.25  |
| Adrienne Jones            | Clerc                                    | 12.3.22 – 12.3.26   |

### ***Cysylltiadau gyda'r gymuned***

Mae cysylltiadau cryf yn bodoli rhwng yr ysgol a'r gymuned leol. Defnyddir yr ardal leol fel adnodd gwerthfawr i hybu a hwyluso profiadau dysgu'r disgyblion. Defnyddir adnoddau naturiol lleol dalgylch yr ysgol i hybu Gwybodaeth a Dealltwriaeth o'r Byd, (Cyfnod Sylfaen), Hanes, Daearyddiaeth, Addysg Grefyddol, Celf a gweithgareddau awyr agored yng Nghyfnod Allweddol 2. Cefnogir mudiadau lleol trwy gymeryd rhan mewn amrywiol weithgareddau cymunedol sydd yn cyfrannu at ddiwylliant yr ardal, ac yn ychwanegu at enw da'r ysgol. Cefnogir elusennau lleol yn rheolaidd. Gwahoddir gwahanol unigolion ac asiantaethau lleol i mewn i'r ysgol i gyfoethogi profiadau dysgu'r disgyblion. Mae gennym gysylltiadau cryf gyda chynghorwyr lleol, ac rydym yn elwa'n sylweddol yn sgil gwaith y Cyngor Cymuned lleol a'r Cyngor Sir.. Ein Swyddog Heddlu ar gyfer yr ysgol yw PC Marc Jones, ac mae'n gweithio'n benodol gyda Blynnydoedd 2, 4 a 6. Yn ystod y flwyddyn, fe wnaeth yr ysgol gynnal amryw o weithgareddau gan godi arian tuag at sawl achos da.

### ***Y Byd Chwaraeon***

Yn ystod y flwyddyn, mae'r ysgol wedi cefnogi nifer o weithgareddau chwaraeon Mae cysylltiad gyda'r Clwb tenis a'r Clwb Pêl droed wedi bod yn gryf yn ystod y flwyddyn, gyda sesiynau rheolaidd i'r disgyblion. Mae Blwyddyn 3 i 6 yn mynychu'r pwll nofio lleol, tra bod disgyblion o'r dosbarth derbyn i Flwyddyn 6 yn derbyn gwersi gymnasteg yng nghampfa Queensway.

### ***Datganiad am y cwricwlwm***

Mae'r ysgol yn gweithio'n galed i greu gweledigaeth ar gyfer y cwricwlwm newydd gyda holl ran ddeiliaid yr ysgol. Dysgir pob agwedd o'r cwricwlwm trwy ddulliau amrywiol (ee gwersi dosbarth, dulliau grwpio, gwaith unigol, gwaith pâr). Cynhwysir y disgyblion yn y broses o osod trywyddau i'w gwaith er mwyn ceisio sicrhau fod ganddynt ddi-ddordeb byw yn y gwaith, a fod gennym wybodaeth fanwl o'r hyn maent yn ei ddeall yn barod. Ein bwriad yw sicrhau fod pob disgybl yn cael ei herio i ddysgu hyd eithaf ei allu. Er mwyn sicrhau hyn, mae angen i bob plentyn fod â brwdfrydedd tuag at ddysgu. Trwy ddulliau amrywiol, gweithiwn yn ddiwyd iawn i hyrwyddo lles, hyder a hunan ddelwedd y disgyblion yn ein gofal. Credwn yn daer fod plant hapus, hyderus yn gweithio'n fwy annibynnol ac yn fwy effeithiol. Mae disgyblion gydag Anghenion Dysgu Ychwanegol yn derbyn cefnogaeth mewn ffyrdd amrywiol (cefnogaeth 1 i 1, grwpiau bach, gwaith gwahaniaethol o fewn dosbarth, ffrydiau ar draws blynnydoedd, cefnogaeth tu mewn neu du allan i'r dosbarth). Mae asiantaethau allanol yn cael eu cynnwys yn y broses hon yn unol ag anghenion y disgybl dan sylw. Mae rhieni yn rhan ganolog o'r prosesau hyn hefyd. Cydlynnydd Anghenion Dysgu Ychwanegol a Lles yr ysgol yw Mrs Sian Jones.

### **PRESENOLDEB Y DISGYBLION** **2023 – 2024**

Canran presenoldeb yr ysgol am y flwyddyn gyfan  
92.41 %

Absenoldebau awdurdodedig – 6.29%  
Di awdurdodedig - 1.3%

### **BLAENORIAETHAU'R YSGOL**

**Blaenoriaeth 1 : Parhau i wella presenoldeb yr ysgol**  
**Blaenoriaeth 2 : Codi safonau darllen ein disgyblion er mwyn datblygu cyfloodd gwerthfawr i'r disgyblion drafod er mwyn gwella dealltwriaeth a chodi safonau iaith**

**Blaenoriaeth 3 : Parhau i ddatblygu egwyddorion y cwricwlwm newydd gan sicrhau bod cynllunio gofalus o'r cwricwlwm er mwyn creu profiadau gwerthfawr i'r disgyblion**

**Blaenoriaeth 4 : Miniogi systemau hunan arfarnu'r ysgol, er mwyn sicrhau bod dealltwriaeth manwl o effaith ymyrraethau ar ddysgu ac addysgu**